



彭鏞

字聲之臨江人監察御史舉茂異授本郡學校官

匡廬山高碧崔嵬石梁夫容中天開丹霞燦爛彩虹
滅白日照耀雲錦堆冰簾倒瀉銀河水香爐氤氳紫
煙起綠蘿絕澗啼青猿翠竹深厓吼蒼冑上人攬秀
來吳門衲衣猶帶吳門雲手携金榮挂絕壁足躡丹
梯凌紫氛南望瀟湘樹如髮洞庭迢迢不可越振衣
便欲乘天風挂席相從探海月雲中仙人好容顏瓊
瑤玉珮鳴珊珊何當裂素寫遠意因之為寄霜華山
游定水訪見心禪師不遇賦此奉簡

王元裕

字好問會稽人由進士出身授慶元路學校官

海涌雙峰舞翠鸞玉虹散薄走清灣長松夾道暝欲
雨獨鶴唳空秋滿山天香上浮自月窟仙樂下奏非
人間十年舊雨在此夕為待阿師飛錫還

次韻寄謝
好問郡博士一笑
豫章釋來復上

秋吟竹寺聽鳴鳶知隔南湖第幾灣莫向
黃塵悲白髮好從赤水問丹山浮波夜釣
月千頃掃石畫眠雲半間若許捉簪同歲
晚茯苓應斷待君還

宿定水天香室奉呈見心禪師

朱右
字伯賢丹丘人蕭山縣主簿至正間
嘗獻河清頌有白雲巢集行世

曉起林巒宿雨開寶坊近在白雲隈潭龍護法依僧
住天女散花衝霧來十里杉檉當澗道二時鐘磬發

臣瞿啟甲呈進

樓臺艱危只合尋幽隱布襪青鞵共往回

次韻奉答
伯賢主簿吟席
豫章釋來復上
慈湖一鏡自天開老我種蒲林澗隈東越
誰邀玄度講西枝獨許少陵來香吹薜蘿
風生石花落杪羅雲滿臺君有高情任疎
放看山時棹酒船回

宿定水寺奉簡見心禪師

龍雲從
字子高廬陵人自號釣魚者尚書
貢公嘗為記之至正間江西司徒
道童公以便宜授
廣東帥府都事

雲氣浮金地星文動玉除佛香閒近遠仙梵出空虛
習靜從余懶謀生覺計疎管窻應不見誰共華山鋤
見心禪師禱雨有感敬賦三十韻奉呈

龍雲從上

祝融變夏令大旱赤九土天田久無光群黎憫甘雨
廟堂誰用事變理不可數况茲兵氣盛堪此饑饉苦
東藩際滄海日色亢斥鹵疾風吹苗稼萬稿白如絮
焚巫事已遠鼓社亦何補疇能格皇天作霖洗炎暑
猗歟定水禪卓行邁隆古憂時多艱虞中夜起延竚
雙峰有神湫靈變輒莫禦蛟龍之所都雷霆之所護
平明步層巒揮汗叩洞府稽首五方龍爾靈每昭著
豈不念蒼生倒懸命如縷寶函演琳瑯香積羅酥乳
虛心發筮筮吉卜竦釋侶須臾天失色赤日近黑霧

臣瞿啟甲呈進

電火翻勾陳雲旗播河鼓郊原泣魑魅山海竄鳥鼠
巨川生瀾漫入夜更沾注向來九穀焦欣喜如疾愈
遂令痛哭聲化作歌謳語嗟哉蒞事人寧不禱蒼宇
彼心亦何為孰得回天怒龍門魯諸生性亦嗜畎畝
今年畊無田避地偶種圃雖無斗升獲且喜飽蔬茹
感師連玄澤為國致豐富作詩勒山石用激民父母
秋晚懷雙峰四首奉簡見心禪師方丈

龍雲從上

涼色滿紅樹山樓眩初霞潮流迴返照江影渡寒鴉
欲盡海邊酒方尋雲外家只愁秋雨後老盡綠蘿花

援琴遣離愁曲盡愁仍在琴含不盡調愁况如深海
 山長夕天濶人別楓葉改還憶清澗東追涼倚松蓋
 涉澗采菖蒲坐石酌春酒雲中千萬峰泉頭二三友
 松枝挂巾幘花影在衣袖緬懷追勝游緘詩付樵叟
 赤雲障秋臯遙海射殘照落葉驚客心寒猿背人叫
 世途久險絕旅興况孤峭誰作龐公詩殷勤鹿門名

山詩四首寄答

定水毗上 來復上

彈缺東游勾踐都踈狂未覺旅懷孤杜陵
 酒債江頭有李白詩名海上無樂府吟成
 從客寫接籬一倒着住人扶千時莫展屠龍
 伎且作滄浪一釣徒
 舊築草堂鳴鶴陰雙峰每憶共登臨湖船
 春水看花渡山屐秋風倚樹吟林下栖遲

臣瞿啟甲呈進

奉題定水見心禪師天香室

桂德稱

字彥良四明之慈溪人由進士出
 身除吳江州儒學教授

聊寄迹人間興廢不關心別來懶漫孤清
 賞坐聽松濤萬壑深
 聞說移家水郭西雲松風竹共幽栖每邀
 賓客談詩飲不恠兒童索餅啼荷笠春還
 畊木壤連筒曉汲灌蔬畦充盤儼欲分清
 供更喜雕胡似掌齊
 老住雙峯懶出村青蒲為座竹為門田多
 斥鹵王租薄縣急差徭吏積繁西楚有僧
 留杖錫東隣無客具盤飧大千豪髮知誰
 會江月松風擬共論

雙峯蔚深秀梵刹中居尊蕭然丈室外桂樹青團團
 秋風起澗壑金粟被崑巒天香發浩蕩馥郁如旃檀
 上人憩茲室萬象森冥觀虛窗明月皎幽鼓零露漙

清吟倚空翠緩步凌高寒恍焉在兜率俯視眇塵寰
奉寄定水見心禪師方丈二首

杜岳字堯臣別號詩巢東平之鄆城人由華亭縣尉累遷兩浙運司知事

東游每憶清泉寺大士談空住上方世外曇花垂雪
朶雲中桂子落天香海神送供應時到野客催詩祇
自忙夕欲相期尋惠遠白蓮還種虎溪傍
雙峯秀出芙蓉好幾度看雲坐不歸紅葉寺前僧覓
句白漚湖上客忘機自憐泛梗隨流俗每欲誅茅傍
翠微若許西枝分半榻定從林下扣雲扉

次韻二首奉答堯臣知事

豫章釋

來復上

臣瞿啟甲呈進

東越論交今六載與君來往各殊方歸田
祇愛幽栖好傳世徒誇姓字香藥碓寒春
山雨急釣船晴逐浦雲忙止園自足容疎
放只恐微書下帝傍
慈溪地僻民風古此處憐君早賦歸花底
壺觴春勸酒樹間燈花夜聞機丹經舊校
封靈檢鶴斝新裁禮太微漱石枕流乃吾
願不妨吟賞共崑扉

文紀僉帥之浙東賦詩一首寄上

定水見心禪師方丈

崔亮字宗明真定人始由學校官辟為太尉丞相府史今遷江浙行省掾

道人風骨清如雪扶老何須九節筇化鉢每從香積
國談經不下妙高峯腥風過海龍將雨涼月當空鶴
在松此去煩君頻問訊無因縮地話從容

次韻奉答
宗明省郎兼簡堯臣知事釋來復上
 羨君並入薇花省笑我獨扶桃竹筇每向
 太倉分祿米不嫌翠釜出駝峯聽猿待月
 吟三竺立馬看雲度萬松遠寄大篇蒙慰
 藉臨風三讀喜春容

次宗明省郎韻奉呈

定水竺曇老師方丈求印可

杜綱字文紀河南之澠池人由國子監生出身今授江東僉都元帥

鍾陵禪伯人師子手握藤枝七尺筇西泛蠡湖通大
 澤東游禹穴看諸峰花蒸秋露山多桂苓斲春煙澗
 有松會待拂衣重入社虎溪明月采芙蓉

蒲菴詩一首奉呈定水禪師方丈

臣瞿敬甲呈進

杜綱上

織屨供甘旨長思白髮親蒲花深澗雨萱草故園春
 喜有平安信愁多戰聞塵睦州為道好會見古風淳
 游雙峰定水寺奉簡見心禪師方丈

江晃字子寬建寧人由進士出身授本路學校官

古井寒泉絕點泥何年卓錫寄幽栖四圍碧嶂疑無
 路百尺香臺更有梯老樹清風鳴野鶴小窗初日聽
 天雞主人心地清如許贏得聲名北斗齊

宿定水寺天香室賦贈曇鉉上人就呈

蒲菴禪師方丈

江晃上

雙峯大士法龍象座下叅徒多俊良白足妙年來
 帝闈青燈舊業帶天香春繙貝葉雲生几夜卷梅花
 雪滿房莫厭幽居太清苦老禪衣鉢許傳芳

僧曇鉉者系出國族故癸酉進士武州
 監州亦速台昂實之仲子今定水禪師復
 公見心之高第也初昂實寓居四明於見
 心無宿雅然常慕其風義因往訪于慈溪
 為叢林旬日留論心定交恨見之晚別去
 未幾而昂實物故見心師閱其貧為買地
 奉襄事其仲子山僧者承母命遂從師改
 今名而難落焉嗚呼世變屢降冠奪相尋
 川塗阻艱跬步巨測人固有視其至親齒
 家而能掩者矣况疎遠乎又有生為契
 家沒不吊唁矣况外交而新者乎昂

臣瞿啟甲呈進

夜宿永嘉江心寺有懷見心禪師賦此奉寄

江晃上

潮平水近岸日落風滿林貝鐙含清輝露坐心沉沉
 忽憶白足師遠在雙峯陰別來再踰月渴思如海深
 遙知古松行盛夏無煩襟香分雨前英清調石上琴
 新居動幽酌摘盡枇杷金豈不念行客遠道觸炎稜
 夜以月東上白雲度遙岑褰衣不得寐悠悠千里心

實固明於知人然見心之敦古道可尚也
 已予時以使事趨東浙始識見心於雙峯
 曇鉉侍立而慶其得師且志於學故賦詩
 之早不天而慶其得師且志於學故賦詩
 以勉云至正壬寅春三月建安江晃子寬
 敬誌

晃頓首再拜
見心禪師
慰平音嚮仰之私承
叨禪悅法喜之供賤子何以得此哉
感佩何可言區區五月半舍舟闕鄉
道者第惟人生聚難散易山川阻脩
雙峯雲月不審何時再促膝劇談也
江心寺因與數僧夜燈沙際側然懷
思偶成鄙句錄上大圓鏡中必能洞
貢尚書先生海文已領煩騰一本付
明度必相會記未間萬煩騰一本付
閩中無留葉也未間萬煩騰一本付
六月一日契弟江晃頓首再拜

采蒲子寬進士新詩之賦
懷鬱如沉思君渺何許邈不在三山
颯已秋感此歲月深高標不可挹何
冲襟煒煒千黃金寄君道遠况復多
售價重千黃金寄君道遠况復多妖

臣瞿秋甲呈進

會當慝良遇坐石清瑤岑掃花弄朝日消
搖論夙心

次韻寄簡定水見心禪師二首

釋智寬
字雲海吳郡人住嘉興之三塔寺
嗣法靈隱東峙海禪師

老景駸尋生事微堪嗟世路撻危機丹山赤水迢迢
隔白日黃塵袞袞飛寄跡三江烽火暗懷人千里信
音稀浩歌獨立長松下無奈秋風吹客衣
泉湧金沙覺地靈雙峰東望倚青冥鶴鳴風澗秋長
見虎卧雲關夜不扃孤榻定回清磬響虛堂梵放襍
花零懸知微辯多高論著就新書滿汗青

山詩二首寄簡
龍淵雲海和尚
定水毘丘
來復
上

橋李山高遠翠微禪翁燕坐息塵機石臺
寶雨吹花落水殿香雲着樹飛薦刻以知
公道少典刑渾覺眼中稀鴛鴦湖上秋光
好凝采夫容製衲衣
郭外浮圖護百靈寶花宮殿倚秋冥談經
磐石龍歸鉢入定空林虎卧扁兵後共憐
成閣別僧來每藉問漂零不知舊種長松
樹留得巢雲幾箇青
寺有愛松軒

次韻奉答定水見心和尚

釋良琦字元璞吳郡人號龍門樵者住嘉禾之興聖嗣法育王石室瑛禪師

一自高栖向甬東清游無計可相同定中光射搏桑
日室裏香吹老桂風虎卧珠林馴似犬龍臨瑤席或
為翁匡扶大法須君輩不數西山有亮公

龍門茅屋澗之隈亂後山花只自開數片白雲同散

臣瞿啟甲呈進

去十年金錫不歸來月明老鶴啼春澗日落飢鳥集
古臺歲晚相期仍結社西池賸覓白蓮栽
乾坤氛祲尚冥冥轉覺艱危涕泗零白首無成煮黃
獨丹心空自戀彤庭幾時舟載山陰雪何處人瞻處
士星情似春潮流不盡江城畫角若為聽

山詩三首奉寄
元璞禪師兼簡

靈巖士瞻和尚一笑豫章來復上
我昔巢松茂苑東白雲清賞此心同芭蕉
樹下吟春雨蒼苔花前立曉風亂後溪山
誰作主愁來江海恣成翁相思欲借峯頭

鶴騎向龍門問遠公
東看瓊花海上回龍門深隱好懷間玉山
處士聯詩到石屋先生送供來雪乳玻璃
浮茗椀天香瓔珞散花臺一從別後兵塵

西陽移得春
 幾樹栽標燕
 元璞喜種蕉
 人間
 白日如流水
 湖上青山看
 洞庭每想舊
 游
 非故國可憐
 前輩已晨星
 相從若話西
 方
 觀遠座重期
 一璞故人聽
 也
 玉山處士石

次韻奉簡定水見心和尚

釋克新
字仲銘鄱陽人住嘉興水西寺嗣法龍翔笑隱禪師有雪廬藁行世

海內兵戈已十年
 山中樓觀喜崢然
 豫章空翠重霄
 落丹桂天香上國
 傳朝士寄詩來
 禁苑鳴人求偈下
 蕃船長思一策雙
 峰麓明月松堂聽
 鶴眠

山詩二首寄簡
水西仲銘和尚一笑定水毗丘來復上經聞住水西今五年東來消息竟茫然貝多

臣瞿啟甲呈進

分石鉢僧歸夜月泛湖
 船禪軒寂憶風光
 好擬看青松借榻眠
 寺有風光軒
 遠公寺裏憶同游
 幾向龍門看瀑流
 月白
 梅花石湖曉霜黃
 橘子洞庭秋萬言
 書好
 應重校五字詩清每
 共酌却恠東游成
 契
 潤夢隨猿鶴遶林
 止

送別演南宗藏主歸四明兼呈

定水見心和尚方丈

釋萬金
字西白姑蘇人住嘉禾天寧禪寺嗣法徑山古鼎銘禪師

故人昔載游吳中
 珊瑚文采驚諸公
 故人今住雙峰
 寺四海象龍方
 竟至演也昂昂才
 出群入室有語曾
 親聞驂騑裏日千
 里孰比凡馬徒紛
 紜去年渡江
 秋已暮武林山空
 不冝住南湖十月
 霜雪繁掛錫還

依雪深處芝蘭玉樹三弟昆黃卷青燈幾寒暑二難
中間有季方五常白眉應寂良蒹葭無由得並倚棠
棣自可相輝光春風浩蕩古澤國花發城南映城北
聽鶯誰遣杜鵑啼折柳更憐芳草色客衣飄飄何所
之故山薇蕨令人思跋涉長途善自保陞堂為道同
襟期

奉次

定水見心和尚詩韻送北宗濟葳主歸省
堂上併致嚮慕之意云

萬金上

臣瞿啟甲呈進

苦學不耽春夜眠思家却泛春江船褰衣遠道草頭
露濯足故山花下泉黃鵠方懷少年志白雲偶賦歸
來篇再看入室領玄旨何限天香浮月邊

山詩一首寄簡
天靈西白和尚
上方曾憶看雲眠
間尋松下寺咒龍
論三觀風雅時從
白文光爛爛斗牛
定水毘丘來復上
湖光滿畫船放鶴
石間泉台衡夜聽
去海天瞻太

賦得瀟湘曲送見心之湖南

劉敬 字伯真清江人

瀟湘露白西風起江竹班班澧蘭紫神僧八月遯星
河木杳飛渡瀟湘水瀟湘兩岸遙相望仙人霞裾白

霓裳烟烟吳絲照清浦鳳梭製錦迴龍章翠筦銀牋
為誰寫瓊珮蟻珠爛盈把蘭橈歸來江渚空五兩懸
風疾於馬鷓鴣啼雨蒼梧秋渺渺吳雲天盡頭翠珉
刻得蛟龍字寄逐南鴻湘水流

賦得裴相讀書臺送見心之湖南

邵說 字習之金川人

丞相高臺隱碧岑老仙從昔愛登臨山川卜築同幽
勝天地生才無古今落日鳴蟬湘樹遠西風過鴈楚
雲深上人問字楊雄宅杖屨殷勤好重尋

奉題見心禪師豫章山房

臣瞿啟甲呈進

陳謙

字子平吳郡人隱居不仕有詩文集及所著易書藏於家

豐城城北阿蘭若中有豫章千尺強夜雨連林動蕭
瑟炎天滿院得清涼山靈為守娑羅碣野鶴來窺薜
荔廡祇樹不論反劫異漫題詩句費公房

題見心上人豫章山房

顧瑛

字仲瑛號玉山吳之昆山人隱居不仕有璞藁行世

豫章樟樹世所無黛色不受霜雪枯看從平地起千
尺數到唐朝能幾株青霄鬱勃見雲蓋白晝彷彿聞
天竿下有山房絕蕭爽肯分半榻坐團蒲

次韻寄簡定水堂上見心禪師

顧瑛上

松枝一夜盡朝東
弟子歸來道亦同
獨我身游山水窟
幾年帆挂馬牛風
花間青鳥非仙使
門外白鳧如老翁
莫笑縛雞亦無力
移山當自有愚公
僦屋鴛鴦湖上住
梅花三見雪中開
山公倒着接籬醉
顧况曾騎鵝
蘇臺故園梧竹雖無恙
不似當年待鳳裁
閱盡前生未了經
幾番落葉又花零
立消門外雪三尺
坐看天心月一庭
路滑曾回俗士駕
雲開遙識少微星
懸知揮塵談空處
龍作人來出海聽

臣瞿秋甲呈進

奉題見心上人清江行卷後

顧瑛

上人繙經樟樹下
千里遠參文字禪
開籠每放支遁鶴
鑿池欲種遠公蓮
卧游瀑布九天上
吟入海門孤月圓
草堂梧竹政蕭爽
何日溪頭來上船

訪見心復公于越
能仁寺見心言有四明之游
率成三絕奉簡

申屠駟

字子迪東平人累官至翰林待制
集賢直學士

越王城下送行舟
萬壑千崑落木秋
後夜相思定何處
夫容明月滿滄洲

看雲東渡四明山佛屋仙崑紫翠間好掛錫杖從此
住盤陀石上聽潺湲

老來林下只依僧每喜清吟共佛燈此日臨風忽相
別梅花夢繞碧山層

夜宿徑山天瑞塔院次韻奉簡見心禪師

吳叡字孟思濮陽人精篆隸書有雲濤萃
葉藏於家

夜宿龍門寺松濤萬壑聞談空知世幻占象識天文
紫粟從猿供黃精許客分湯休才思好俊逸獨超群

夜宿天瑞院次虞侍講韻奉簡
孟思徵君 豫章來復上
佛屋凌霄見僧鐘隔水聞石苔留虎跡山
氣動龍文鉢自諸天送燈從白日分東游

臣瞿啟甲呈進

共清賞猿鶴每為群
邵菴虞侍講寄贈孟思詩曰
篆籀誰能識吳君早有聞洛經收斷石岐
鼓見遺文秋劍龍光動春鷺翠羽分為言
張外史莫惜白鵝羣
也與孟思為方外友
外史言張伯雨

宿徑山寺題見心所藏松風澗水圖

吳叡

身在千峯頂上居松風澗水日相娛何須更作聲聞
想又向晴窗閱畫圖

天香室為定水見心禪師賦

王璠字公玉會稽人

旃檀自是眾香國雙樹緗花度晚風頗異人間蒼葛

室祇應天上廣寒宮吟餘化境清無極定起玄機許
許同安得追游謝塵鞅匡牀塵尾聽談空

游定水寺訪見心長老不遇偶成二絕奉簡

毛翰

字儀仲丹丘人湖州路儒學教授

一水潺湲遶寺門遠從西澗過松根尋源欲向千崑
去越國祠前落日昏

天外雙峰擁翠屏茆亭清曉入雲登不教猿鶴知名
姓嬾着詩題竄上層

奉和子高都事歸美見心長老禱雨有感

毛翰上

臣瞿啟甲呈進

皇天職覆壽真宰司下土生成洎殺伐霜露及風雨
陰陽一錯逆災變盜足數所以燮調者用心良獨苦
東南事兵甲烽火照樓鹵亢陽能鑠金熱雲如擘絮
青天久不漏安用女媧補餓夫面黧黑暍倦愁病暑
四郊俱殷憂傷今重思古豈無千丈霓空今久延伫
復公白業流制行真自禦諸天雨寶花聽法常擁護
竭來憫羣黎滌慮洗靈府精誠貫金石竟使幽明着
晨興咒靈湫雲氣出縷縷須臾蜿蜒起騰波溢嵌乳
風伯從雨師鞭驅走徒侶橫空陣勢來黯慘塞玄霧
有如百萬師踴躍赴三鼓焦林號渴烏陰壑舞蒼鼠

豈惟溝澮盈高原亦川注予時寄旅食貧病為之愈
明朝客叩門探懷示寄語知師恤民意慙色動眉宇
翻思國元老嗜慾為善怒要功黷邊徼暴斂窮壠畝
廩祿豈不豐疇能念農圃我歌龍子詩如得芝蘭茹
皎皎霜雪光爛爛圭璧富載咏還載吟秋郊泣鬼母

簡寄定水見心禪師

胡益

字士恭江右人國子助教

上人蚤悟西來旨一口吸盡西江水洞觀塵劫心寂
然燕坐無嗔亦無喜向來遠作江海游飄飄一葦航
清秋天台廬阜已偏厯追逐雲月相歡酌只今避地

臣瞿秋甲呈進

干戈際有口何曾說興廢青編懶讀人間書黑衣不
羨朝中貴近聞傳法居雙峰一泓定水藏蛟龍會看
散作梵天雨盡洗六合消兵烽

奉寄定水見心長老方丈

夏孟仁

字思衷永嘉人慈溪縣尹

每憶山中訪老禪更從何處覓神仙風清祇樹僧初
定月滿虛堂客未眠離別又驚時序改煙霞長與夢
魂連相期會有重來日共話三生石上緣

次韻奉答

思衷縣尹三首

定水釋來復上

公庭多暇日逃禪白紵烏紗一散仙花底
臨流邀月賦松間掃石伴雲眠絃歌滿縣

海虞瞿氏鐵琴銅劍樓影鈔本

千家繞桑苧成畦萬井連此地相從慰漂
泊還期分芋諾生緣
風塵避地賴詩禪辟穀誰如絕行仙茅土
盡要封爵賞柳營空說枕戈眠隆中三顧
懷諸葛海上千金咲魯連好待功成拂衣
去丹北青巒共黃緣
西郭祇園憶共禪風流好似飲中仙黃精
有法充飢煮白石無塵着醉眠新卜林塘
息驛近舊栽桑竹雁山連往來不為名拘
束羸得心閒息萬緣
煙霞泉石之勝思衷隱居讀書其下

奉題見心豫章山房

郭翼 字犧仲 崑山人

豐城城裏前朝寺一樹豫章高接天
密葉曾承唐雨露孤根獨秀楚山川
劍池龍氣常時合殿脚雲陰數

臣瞿啟甲呈進

幽連宴坐雨花臺上月琅琅清夜落飛泉

奉題見心豫章山房

秦約 字文仲 淮海人

豐城寺裏豫章樹秀色當江戶牖開鸛鶴鳴
陰衝霧雨蛟龍啓蟄動風雷山靈尚護唐時植
匠石能遺楚國材笑指輪囷問禪寂匡廬招隱
為誰來

游雙峰定水寺訪見心禪師賦此奉簡

朱舜民 字時中 四明人 由進士出身

西江老禪我所思昔在吳門曾會之風姿不減舊時
好相見轉覺心神怡竭來山中主茲席令我不見心

每憶焉知亂離逾十載眼底鬢毛俱未白
 崑頭掛錫吟古松崑下引瀑鳴寒春撞鐘
 伐鼓集龍象豈愧前代盧能翁我方卧
 病隱鄉里公正談玄處定水梅花歲晏
 如有約滿室寒香出清泚越州昨夜傳
 羽書烽火塞上無時無溪山清致足嘉
 遼江海舊夢非良圖奉題見心豫章山房

張曄

字孟起河北人由進士出身辟監脩國史院掾史

上人為愛豫章好結得山房當樹陰晴日
 開簾雙鶴下秋風倚杖一龍吟飛空仙至
 還聽法立雪僧來解問心擬着團蒲共清
 晝煮茶燒葉坐雲林

臣瞿啟甲呈進

訪定水見心長老夜宿天香室分韻得香字

項伯温

丹山人明道書院山長

主杖看雲叩上方松間坐待月流光三生
 共聽璘公講五字多傳秘監章天近星河
 當几席夜寒霜露濕衣裳他年定有尋山
 約掃石秋吟桂子香

游定水訪見心長老賦此奉簡

繆侶

字叔正吳郡人浙東帥府照磨

乘潮遠泊慈溪驛訪舊來尋定水翁九疊
 翠屏開佛地百川雲氣漲春空松梢鷺起
 卷晴雪山頂瀑流懸五虹近說清游吳下
 少直令野客過鄞東

奉題定水見心禪師天香室

繆侶上

澗阿新築天香室還似乾元植桂時在昔璘公能好事至今秘監尚留詩寶花細細風生塵金粟娟娟月滿池遙想豫章初出定廣寒清露濕禪枝

奉題見心豫章山房

陸仁 字良貴河南人

雙劍池頭古樟樹蟠根得近梵王家即看嘉植凌千歲靜愛層陰蔽百車僧定不露秋葉露客吟時掃石床花遙知長有山靈護白晝神光炫彩霞

臣瞿啟甲呈進

夜宿定水見心和尚天香室分韻得花字

釋自悅

字白雲天台人住餘姚之龍泉寺嗣法靈隱竹泉林禪師

我愛清泉大士家秋風雙桂發奇葩老璘好事蒸金粟秘監留詩護絳紗白兔夜春雲外杵素娥晴擁月中車談空共遠旃檀座時有諸天雨好花

見心之湖南謁歐陽太史乞銘先徑山法喜師

塔石會子臨江南山寺因賦一律奉簡

釋子然

字瑩中臨江人住吳之觀音山嗣法徑山南楚悅禪師

秋風話別楚江潯大法凋零思不禁弟子從師應有道文章傳世亦何心洞庭水落龍沙白衡嶽天高翠

霧深折得瓊花遠相贈翰林交義重南金

奉寄定水堂上見心和尚遠發千里一笑

釋法膺

字擇中吳郡人住毘陵之顯親嗣法龍翔笑隱訢禪師

魏公寺裏談經住惠理臺前駐錫過新得具編傳錦
字喜看綵筆蕩銀河忠肝氣直青雲杪道味腴分白
雪多一柱支撐東海上祇林秋晚奈愁何

次韻奉簡定水見心和尚老師

釋德褒

字南谷四明人

八月崑房暑氣微者年過我得相依雲邊掃石苔沾
屐雨後看山翠濕衣塵世每嗟人易老秋風又送雁

臣瞿啟甲呈進

南歸扶宗自愧才踈謬珍重雙峰志莫違

次韻奉簡定水見心和尚

釋懋調

字用明閩中人住宜興李山禪寺嗣法育五月江印禪師

煙斂雙峰曉日微寺前叢桂綠依依一池泉水開冰
鑑滿室天香襲毳衣翰苑故人書不絕禪林學子屨
同歸猶能顧問龍山客喜見鵠原誼不違

游龍山永樂寺賦簡南谷

定水毘山來復上

水竹禪居房翠微高人忘世靜相依
春長堪充食荷葉秋香可製衣
龍聽講雲檣風馬客來歸仲靈應有箋
疏未信傳宗與願違

寄謝定水見心和尚惠綿

釋懋調上

政思冬冷未裝綿豈謂吾兄獨見憐范叔緜袍懷義
在子騫蘆絮嘆心偏春風翦斷梨雲白曉雪紛披蘭
萼鮮從此不愁衣袂薄謬題詩句謝清泉

口號一首奉寄

雙峰定水堂上和尙

釋自恢

字古道豫章人住吳之法喜禪寺

中吳一別六年強說法甬東名道場摩尼珠光照濁
水優鉢華朶吹天香八分道勁追前漢七字清新過
盛唐勛業黑頭成底事乘桴浮海意何長

臣瞿敬甲呈進

送別祖庭歸浙東兼簡

定水見心和尙

釋仁淑

字象元天台人住天目山大覺禪
寺嗣法徑山古鼎禪師

憶別東州二十年故人音問兩茫然暮雲靄靄三江
外春樹離離孤嶼邊此日送君徒有恨奮時行處亦
堪憐叢林秋晚俱寥落祇有雙峰翠接天

奉題定水見心禪師天香室

李復禮

建昌人延平路儒學教授

老璘昔坐獅子床自和金粟蒸妙香一朝遠寄楊秘
監至今山谷傳遺芳上人後來入茲室不染聲香與

空色超然觀樹心無為寶花吹滿旃檀國
奉題定水見心禪師蒲菴

李復禮上

昔人種蒲織為屨白髮娛親奉甘旨吾師好古今不
忘南望白雲思千里年年蒲青澗水深采蒲日涉澗
之陰南歸終慰倚閭望竹筍政當春滿林
送別滿仲謙上人歸澗東二首兼呈

定水見心禪師一笑

周砥 字履道句吳人

相慕非相識逢君却送君半生併與錫千嶂雪蕪雲

臣瞿敏甲呈進

寶相元無住虛空自有聞惟應山水國西望惜離群
落月西陵渡寒潮一棹歸天香還滿室定水不生衣
花發山鶯到煙消田鶴飛題詩因送想清夢轉依稀
賦得孤山吟送見心游澗

何宣 字仲宣湘中人

西湖處士今何許飛珮珊珊向空舉冷然海角來天
風吹落晨星墮秋渚水中島嶼青髻鬢十里湖光杳
靄間客子扁舟向何處清游知是訪孤山孤山山色
應長在尚憶當時動冠蓋上官屏從造庭前雙鶴騰
音徹天外清標逸致將誰同白眼輕視王與公布衣

攀錫九重出落落海宇聞高風苦心應共梅花潔不
 讓廣平心似鐵寒梢弄影溪月高凍葉吹香山石裂
 入神佳句世間無至今仙游不可呼共傳孤竹夷齊
 操月學臨邛封禪書近來藩府敦風化奕奕新祠構
 穹厦白鳥孤雲自送還青莎翠竹連瀟灑師今東逐
 海門潮剝有新詩詠寂寥何當我亦凌風去同訪湖
 邊處士橋

見心上人與余相見清江之寶金山未幾重會
 豫章而上人有吳越游賦此為別

熊太古

豫章之豐城人由進士出身累遷
 國子助教江西行省都事

臣瞿啟甲呈進

三月鍾陵花滿煙加沙東上木蘭船地浮彭蠡江聲
 動山入姑蘇海氣連千里從師應未晚五湖為客湯
 多年遙知後夜清吟處坐看中天好月圓

送別見心禪師遠游二首

雅理

字玉淵西域人至正乙酉登進士第
 翰林國史院典籍官

滕王城下雨初晴漳江渡頭春水生柳條挽斷不忍
 別無奈鷓鴣當樹鳴

吳山越山青挿天錫杖東去凌飛煙定知此處足游
 覽待月還吟湖水邊

賦得曲江磯送見心之泐

張承 字克紹 湘東人

曲江殊勝地 乃在豐城陬 橫磯障狂瀾 巨石闔中流
帆檣互來往 雲林鬱深幽 風清鸛鶴度 日暖黿鮪游
樓臺壓高岸 華草被芳洲 上人湘中歸 杖錫此遲留
手持雲錦章 珍重比琳瑯 懷思在古道 焉能守舊丘
明當由此去 東汎錢唐舟

送別見心游廬山

周普德 字伯中 豫章之豐城人 至正戊子 王宗哲榜 登進士第 南康路錄事

南浦雨晴生白波 江風吹送竹枝歌 說經或有鯨人
聽送供豈無龍伯過 五老雲中開錦疊 九江天際落

臣瞿啟甲呈進

銀河蓮花種得誰 同社好覓宗雷住 礪阿

夜宿南泉山賦簡見心禪師

黎奎 字奎章 天臨人 至正戊子 王宗哲榜 登進士第 武岡路錄事

夜宿南泉寺 清吟喜見君 佛香天外落 僧磬月中聞
詩卷應長把 齋盂亦屢分 明朝各相別 遙望故山雲
錢唐會見心 賦簡二首 師允御史 希孟縣丞 亦
時能同游也

徐觀 字國賓 信州人 至正乙酉 登進士第 累遷邵武路知事

冷泉禪子豫章人 青眼相看意最真 欲借一丘相近
住 論心閒與白雲隣

五年南國暗氛妖，久客何人慰寂寥。喜得同游二三子，秋風吟看浙江潮。

二月廿日訪見心長老於定水山中，不值而歸。賦此奉寄。

李元中

字正道，四明之慈溪人。慶元路儒學正。

路入雙峰步履便，夔虛白日護安禪。看雲擬作山中住，賞月還孤石上緣。雨過春泥生亂筍，風餘松粉落清泉。紛紛世事從遷變，借我西窗一榻眠。

蒲菴詩一首奉為定水見心禪師作

楊璩

字元度，會稽之餘姚人。慈溪縣儒學教諭。有灌園集行世。

臣瞿啟甲呈進

上方諸佛日為隣，身世難忘白髮親。膝下欲酬分棹志，菴中長想織蒲人。疎桐澹月形憐影，素壁寒鐙夜向晨。南浦西山頻入夢，臨風幾度泪沾巾。

次韻寄簡定水見心禪師

徐昭文

字秀章，會稽之上虞人。由平江路學校官遷浙東帥府照磨。

從師久擬卜為隣，薄宦重嗟絆此身。老去交情多繾綣，寄來詩句更清淳。橘林霜落洞庭曉，花嶼雨香鄞海春。兩地十年成悵望，何時共話白頭新。

律詩一首奉寄

秀章架閣吟几

釋來復上

高士山堂雲作隣讀書從此寄閒身。族傳漢譜家聲遠，邑有虞風俗化淳。剪燭曾聽海虞瞿氏鐵琴銅劍樓影鈔本。

吳會雨看花長憶鑑湖春何時問竹過泉
上吟對蛾眉月色新

至正丙戌春與見心存拙自鍾陵買舟泛彭蠡

同游徑山登高望遠意甚相得因成口號奉簡

釋彥文

字學隱臨江人住天長禪寺嗣法
徑山南楚悅禪師

曉聽沙頭黃鵠歌發船東汎蠡湖過雲蒸花氣迷滄

島雨帶龍腥漲白波前輩典刑今已矣南宗法道近

如何此行祇合龍門住共製山衣采綠蘿

過彭蠡湖舟中次韻奉簡見心禪師

釋希能

字存拙臨江人住新喻南山禪寺
嗣法徑山南楚悅禪師

楊柳青青聞櫂歌東風三月放船過山浮空翠濕煙

臣瞿啟甲呈進

霧江出大魚吹浪波上疏無因繼嵩璉論詩漫自擬

陰何同參不負凌霄約清夢時時繞薜蘿

泛彭蠡湖舟中次韻奉簡
學隱存拙二同游

釋來復上

舟人曉唱竹枝歌百丈牽帆湖上過燕子
泥香紅杏雨苔花風澹白鷗波山林疎散
真吾願歲月遷流奈老何東望龍門九霄
上諸天鍾鼓殷藤蘿

天章禪師還四明因賦古詩一首奉寄

定水見心和尚少寓久別之懷

釋溥照

字元明吳郡人住白馬禪寺嗣法
承天剛中毅禪師

憶昔與君相別時君能贈我楊柳詩即今搖蕩東風

裏吳山越水長相思長相思情何極矯首雙峯入天

碧峯頭玉樹好容顏安得凌風生羽翼

次韻游石湖五詩奉寄

定水見心和尚一笑且慰千里之思也

釋守道

字中行吳郡人

郡城西來山水深石湖倒浸青瑤岑溪雲十里護僧
舍天樂六時鳴梵音下界塵埃日袞袞上方殿閣秋
陰陰吳王舊跡眼中見萬古事往傷人心

石湖諸山如列屏峯巒上聳當青天年深古木盡生
菌澗底長松堪斲苓居民擊鼓賽神廟野寺撞鐘講
佛經范家遺碣宋宸翰百靈夜護深冥冥

臣瞿放甲呈進

黃山之麓好樓居柴門流水通深渠八窗團團翠如

堵萬竹泠泠青映書春雨葳蕤美可茹秋霜柿栗宜

多儲道人加沙坐磐石林下讀經心晏如

山橋路入清溪頭招提一徑緣溪流天妹身騎白鳳

下大士足躡清蓮浮澗水松聲禱靈籟香風花雨飄

青秋重吟高僧石湖詠八分字畫盤銀鈎

愛爾湯休笑索詩客來徑造竹邊池林飛鸚鵡共命

鳥門掩杪羅雙樹枝每將床座待高士况有弟子非

凡姿山中礚礚興不淺浮世功名焉足思

奉簡定水見心禪師

陳善

字天祥永嘉人至正間鄉貢進士由學校官辟浙東憲史

靜翕動斯闢昭哉天地心衆人知者寡唯子見之深
萬彙自消息一元無古今反躬貴克擴清廟有遺音
奉寄定水見心長老方丈

陳汝秩

字惟寅廬山人

不見復公今六年兵塵冉冉夢相牽天香室裏秋陰
澹定水山中夜月圓海浪有紋留壞衲朝霞翦綵製
新篇自慚避亂居城郭準擬春來踏釣船

奉題定水見心禪師天香室

張克仁

四明之慈溪人有遺安藁藏於家

臣瞿啟甲呈進

雙峰曾憶老璘翁丹桂移栽自月中靈種不經樵客
斧清芬先到梵王宮九霄夜滴金莖露八月涼生玉
樹風珍重豫章居此室蒸花容我聽談空

賦得冷泉亭送見心之湖南

釋志海

字易容宜陽人住清泉禪寺嗣法龍翔笑隱禪師

臨安古名都山水有奇跡北峯高入雲遠見滄溟窄
飛來眄靈鷲合澗喧梵宅竇泉走金沙波光照瑤席
洗耳聆壑雷伊誰共游息上人冷泉來目湛冷泉碧
名成文益工外史推巨擘昔游法喜門今恨與世隔
之瀏謁歐翁請文銘塔石斯文百世師吾道彌天釋

風義殊可書潛德耀山澤贈言寔在茲天池振風翮
賦得六一泉送見心之泐

釋德璉 字平山湖南人

歐公昔歸田結屋清潁房古書與棋局素琴襍壺觴
晚年號六一仍以名其堂平生酷好士論薦日不遑
一時若雲散叛去何猖狂惠勤本浮屠其屬公所攘
終身感知遇豈云替存亡寸心日生塵執熱懷清涼
鑿井得甘泉冰壺汲寒漿托泉懷所欽永慰飢渴望
井水有時竭德音何由忘所以六一泉至今重錢唐
餘波激清潁鉅碣懷瀧岡邇來三百年云仍繼遺芳

臣瞿啟甲呈進

上人錢唐來振衣涉衡湘久慕燕許筆敬袖南豐香
前身應惠勤我公昔歐陽重來訪前盟彼此今無爽
還當酌斯泉為公少徬徨摩挲三生石浩劫何茫茫
近體一首奉寄定水見心禪師

鄧懋昭 字彥明會稽人

曾憶天香寺看雲延賞心青峯立雙劍寶構飾千金
茗飲分春早詩篇檢夜深蓮花如可種携酒入東林
奉寄定水見心長老方丈

馬文憲 字漢章丹丘人

天開藩閫近蓬萊曾訪高人共往回桂子風清行道

處杪羅雲繞讀經臺虎馴白晝依禪錫花發青林照
客杯幾度籃輿問止壑閒題詩句滿蒼苔

游雙峯定水寺奉簡

蒲菴大禪師

楊誠 字邦彥會稽人

白石青松蚤結盟禪翁心跡喜雙清談空桂室秋香
滿入定蒲龕夜月明仙女散花來佛國神童送供出
王城我家書屋相隣近還許清吟寄此生

天香室詩為定水見心禪師賦

唐升

字伯慎湘中人

臣瞿啟甲呈進

橐駝峯下招提境桂樹團團手自栽一夜素娥騎月
出九霄玉女散花來杪羅子落風生座貝葉經翻露
滿臺閣老題詩傳萬古時時光焰燭三台

秋興六首寄簡

見心鄉尊禪師一笑

趙贄

字子將豫章之豐城人江西省儒學
提舉

荆揚千里盡蓬蒿落日荒城鬼魅號天際戰塵連野
黑夜中烽火入雲高魯連謬說降燕將趙括空能讀
豹韜愁殺隆中多病客草廬風雨夜蕭騷

鄉裏無書已四秋全家避難定何州善和賜札誰能

保豐上閒田不可求憂國實勞瞻魏闕迎親虛擬卜
菟裘干戈滿地西風急落日殘雲送暮愁

清秋曾憶度龍沙貂帽駝裘對月華走馬驚聞傳羽
檄尋河無處候星槎山川此日猶防寇風雨中宵只

夢家寄謝南州徐孺子高懷千古使人嗟
黃葉飄蕭白鴈哀壯懷羈旅鬱難開五年淮海妖氛

合八月幽燕戰騎來人物盡歸蕭相幕朝廷誰錄賈
生材南天永夜瞻宸極五色長時繞上台

武皇開闢舊山河諸將功成百戰多版籍收圖兼島
嶼戎車歸國載干戈東吳秔稻來滄海西域珍珠送

臣瞿敬甲呈進

紫駝盛世誰令氛祲起元戎綏撫莫蹉跎

朝廷柱石倚蕭何聖主深居保太保十二羽林嚴虎

衛三千綵女舞天魔青鸞解寄雲邊字黃竹曾聞月

下歌萬歲長教行樂事中州指日罷干戈

次韻秋興六首寄答

釋來復上

關河秋雨暗青蒿野戍荒涼虎豹號殺氣
暝連沙漠遠妖星夜入斗衡高內官賜祿

多愁時空賦楚辭離騷六韜不見荆揚來捷
報愁時空賦楚辭離騷六韜不見荆揚來捷

三木落雁啼秋氣侵冥冥暗九州牧守
何人勤撫字兵戈是處困徵求樽前空把

絕漢風高雨土沙五雲何處望京華南征
尚阻勤王貢北泛頻勞奉使槎藩將戈船

遙蔽海國人弓馬舊為家洗兵會有承平
日社稷安危不用嗟
淮吳重鎮日堪哀白晝狼煙慘不開丞相
蚤頌符竹下尚書歲運米船來父知臺閣
多公道誰信山林有棄材想見丹心憂國
苦南天夜望三台
世皇開國鎮灤河重譯來賓五帛多圖治
每能崇禮樂防邊無復事兵戈山營首著
肥驄馬沙苑葡萄貢素駝垂統直今傳萬
世誰云歲月漫蹉跎
無力匡時可奈何林泉隨分樂天和封侯
不願人間爵障道難驅剗外魔貝葉兩函
聊自遣紫芝一曲共誰歌知君玩世情疎
放把卷狂吟筆侶戈

五言絕句一首奉題見心豫章山房

黃清老 字子肅邵武人泰定丁卯李黼榜
登進士第翰林國史院典籍官

聞道山房好禪栖愛豫章諸天長護繞大地作陰涼

臣瞿啟甲呈進

東湖閒居述懷九首錄奉

定水見心和尚一笑

吳志淳 字主一曹南人善分隸書浙東師
府都事有詩集行世

行吟湖上倚芳菲幾樹垂楊拂釣磯
沉日游絲輕冉冉眠沙鷺
靜依依謝安携妓風流在陶令辭官生
事微斷送春容須是酒千金歌舞屬輕肥
數里湖山入眼奇水邊新著一茅茨
漁樵日近成真隱蔽蔽春深可療飢
手技屠龍緣底事口談捫蝨竟何施
有時醉卧山窗下莫笑吾儂老更癡
野叟畊鋤喜近郊柴門風雨夜蕭騷
卧龍豈欲頌三

顧老鶴長鳴向九宰 北闕湛恩新 錫爵近臣傳
勅舊同袍自憐經濟全無術祇有山林興最高
頗覺年來步履遲僻居成嬾靜相宜醉眠白石能醒
酒坐愛青山獨廢詩百歲功名心似水十年江海鬢
如絲出門稚子驚相問何事山翁倒接籬
卧病經旬不出戶晚晴却度東西庄月生遠浦見漁
艇雨過連村皆水鄉園中來禽應已熟瓮裏潑醅還
可嘗明朝定有竹林約莫道阮生如許狂
輕雲數日釀微雨曉起檻前沙岸推傍磯漚鳥有時
狎照水山花無數開南州高士要客至東里先生携

臣瞿啟甲呈進

酒來好懷相與盡一醉如此春光能幾回
幾載風塵馱鼓鞞故園回首意都迷避秦直欲尋漁
父訪戴唯應入剡溪自喜比隣來饋餉頻煩太守問
幽棲此生不為名拘束林下何妨獨杖藜
黃姑澤頭行且近已到茅簷紫翠間數日看山渾不
厭一官投老始知間雲移石竹秋風迴雨落崑花野
水斑為覓道人何處在夜深空訝鶴飛還
四十才過暮景斜晴窗校字岸烏紗休誇白首楊雄
宅祇說清狂賀監家歲月有情空漁倒田園無計作
生涯山妻不識 朝天服却笑朱衣似晚霞

詩四首寄簡
 主一都事
 我昔鍾陵蚤識君
 閣上吟疎雨孺子湖邊看白雲
 存古制洛經岐篆見遺文
 會故國兵塵不忍聞
 獨向青山斷紫芝
 勤哭非無策賀監清狂漫有詩
 隣父飲囊空任使世人嗤
 好吟對梅花雪滿枝
 宦游隨地問畊鋤
 故無人來遠信浙東從事拜新除
 生無計但得身閒樂有餘
 石蓬萊
 地僻幽
 蕭洒
 陶令醉百花潭上杜陵歸
 辱好向風塵蚤息機

奉題

臣瞿啟甲呈進

定水見心禪師天香室

周伯琦

字伯溫號玉雪坡鄱陽人至正間
 由翰林直學士兵部侍郎拜監察
 御史累遷江東肅政廉訪使江浙行
 省左丞精篆隸書有詩文集行世

仙桂本是菩提樹根在廣寒雲霧中
 燕居圓照徧六合
 合虛空芬馥散秋風

蒲菴詩寄贈

定水見心禪師

周伯琦

上人坐蒲團仍以蒲為菴菴小僅容
 郝法界無不函
 是身輕於蒲蒲潔身亦潔至潔不在
 我寧以口舌說

蒲生於水中枯乾韞生意我心冷於灰觸處見靈智
問之何以故靜則全神明昆侖一蒲菴氣朔從虛盈
蟄則蝸與螺蛻則龍與蛇生滅一息間三乘浩無涯
我居玉雪坡玉雪我何有安得論風幡物外或悠久
奉次定水見心禪師簡寄

雅韻四首庸答先施

周伯琦上

雙峰玉立儼高標萬壑松風協護韶東麓久聞金刹
樹半空時見寶花飄清泉基祔傳唐代白馬神通自
漢朝何日追遊洗塵渴肩輿相訪不須輶

臣瞿啟甲呈進

浙水東頭佛舍連蒲菴上士坐忘年五雲古衲層瀾
湧百寶浮圖列宿躔牀上貝書多譯梵門前海船直
通燕比止喜得階蘭秀應種菩提滿法田
九載違離得遠書幾更歲歷斗旋樞華星秋月超元
白峻嶺重江限越吳柏子樹陰浮碧砌蓮花漏水響
銅壺老夫素有林泉癖一曲何當乞鑑湖
千里相望費夢思長江森森樹離離自收田木聊供
醉誰采山芝獨療飢南服久尊居士室西林敢擬太
常碑懸知釋教雄龍象不待趺龜與首螭

山詩四首奉寄
伯溫左丞先生兼簡

本初樞密先生

一笑

豫章

毘丘

來復

上

學士風流玉雪標蚤陪鳳輦聽仙韻光分

蓮炬從天下香帶爐煙近日飄書疑秦漢

許二篆史脩南北見三朝承恩曾記東來

日繡斧光華擁使軺鎮東吳有歲年化雨

江淮蛟蜃氣州連分鎮斗牛躔貢來南粵

終歸漢書入聊城遂破燕天下澄清今日

望角巾未許賦歸田握銀符贊上樞材屬

賀蘭公子鄔僉書蚤握銀符贊上樞材屬

經綸思稷契兵知合變說孫吳春吟茂苑

花園座夜醉官壺酒滿壺遙憶別來今七

載每煩傳語到慈湖滿目兵塵厭亂離寒製

別來鄞海重相思黃獨謾充飢廬山誰問

綠荷聊禦臍晨炊北海碑多謝高文貢泉

東林社嶽麓新傳北

石虹光白日走蛟螭

至正甲辰予以使事過四明院掾李仲彬致書

臣瞿故甲呈進

於定水寺見心長老予幸未及識至則訪之縉

紳先生亟稱其才德俱高無不樂道而與之游

予心竊慕焉恨不一見為歎越數日見心來城

訪予湖心寓舍見心亦假館于東廡之別室相

從談論接日見其樂易溫雅動容周旋超然有

林下風致因出其所編澹游集以示予皆當代

虞歐揭張諸先輩及時賢朝貴逸人高士贈答

酬唱之作悉以道義相親而致景慕之意及觀

所載請銘受業之先師收殯無歸之亡友編蒲

菴以思母通唱和以納交與夫起廢寺於喪亂

之餘措身心於安閒之地其設施行事則又見其有大過人者矣蓋古惜懷才抱德之士與世不偶或厭塵勞而不屑為往往逃於空虛如慧遠道安支道佛印之流是也立微言勵高行卓卓然拔出於塵俗之表又能從游於陶蘇諸公以故騰英聲於當代垂芳譽於後世愈久而愈彰也見心其亦無愧於前脩已乎此劉羽庭所謂不為法所纏縛而能出入者也適院掾翟終言以辭役來東鄆與見心交舊見心將還山中握手有不忍別去之嘆乃欲邀予二人同往予

臣瞿啟甲呈進

亦久厭塵囂思得幽隱之地以息心養神奈以俗務鞅鞅而未果然心慕神馳有不能忘也輒述成鄙律數章錄呈

見心禪師聊發一笑且以求教云

蘇天民

字堯叟保定人南臺監察御史

大德山靈護禪宮寶構成翻經磐石古洗鉢澗泉清奉母編蒲屨延賓爇桂英天香題文室湖海仰高名悠然超物外補壞不知貧德義孚交友聲名邁等倫石從蒼鹿卧池泛白鷗馴玄學通三昧如師有幾人見說雙峯寺緣溪一徑微泉香供客飲山翠濕人衣

老鶴依松立輕雲著樹飛高僧清坐久都與世相違
 路入雙峰境逍遙杖屨隨定鐘鳴曙早梵唄出林遲
 代步籃輿穩攀躋石鐙危陶潛雖殫酒敢負遠公期
 與世相違久深居近翠微道流叅問廣俗客往來稀
 龍入加沙隱鶴隨金錫飛禪龕如許借吾欲遠相依
 蒲菴龍象士避世愛山居靜刻蓮花漏閒看貝葉書
 園葵和露摘畦藥引泉鋤放曠雲霞外心清樂有餘
 早棄人間事幽棲避世塵山林忘歲月鐘鼓樂昏晨
 獻果猿將子聽經龍化人亂離無恐怖名利不關身
 學業書千卷生涯飯一盂問叅多老宿交結搃名儒

臣瞿啟甲呈進

為道資三益談玄舉一隅借師菴側地吾欲把茅誅

次韻奉答

堯叟御史兼簡

翰林敬止都事

豫章釋

來復

上

東泛滄洲寺論文見老成雪髯秋更白風

骨鶴同清野服編荷葉山松泛菊英有從

林下賞世亂且逃名厭貧異才今獨見直

南紀新我秀居官不厭貧異才今獨見直

諫古誰倫花底青驄好棠陰白兔馴酒酣

呼賀老筆陣掃千人紫微雪管開虎帳天

河朔纏兵氣妖星近紫微雪管開虎帳天

詔賜龍衣稍絕蠻租貢頻驚羽檄飛知君

飽經術報國願無違合隨假王南鎮久嗣

天啟中興運風雲六混寧憂社稷危山林

主北征遲終見車書混寧憂社稷危山林

吾所好有約話深期入微鳳毛池上有駿

翰幙知名久相逢語入微鳳毛池上有駿

歸及蚤春色柳依依
 離居避地諸無祿箋
 翟君江左士東越久
 吏欲問華山鋤笑我
 天諫有書近辭蓬閣
 餘
 嵩栖懶身聞不願餘
 戰塵作官南逐北防
 江海誰青眼漂流厭
 世豺狼暗伺人紫芝
 冠夕無晨鹿馬明欺
 香可茹五壑且容身
 飯孟觀心無別佛論
 老我清泉寺茶椀與
 外天華落座隅南宗
 道有通儒風鐸鳴空
 今莫振魔說可勝誅

讀宋鑑并遼金史一首錄奉

見心禪師一笑

釋本誠字道原號覺隱嘉興人住興聖禪寺嗣法虛谷陵禪師有文集行世

衣冠文物舊宗周名分尊嚴孰與傳晉楚空傳乘檣
 杙後人惟讀魯春秋

臣瞿啟甲呈進

